

"AKHLAK PEMIMPIN MUSLIM"

ٱلْحَمَدُ لِلهِ الْقَائِلِ: وَجَعَلْنَهُمْ أَيِمَّةً يَهَدُونَ بِأُمْرِنَا وَأُوْحَيْنَا إِلَيْهِمْ فِعْلَ ٱلْخَيْرَاتِ وَإِقَامَ ٱلصَّلُوةِ وَإِيتَآءَ وَأُوْحَيْنَا إِلَيْهِمْ فِعْلَ ٱلْخَيْرَاتِ وَإِقَامَ ٱلصَّلُوةِ وَإِيتَآءَ الزَّكُوةُ وَكَانُواْ لَنَا عَبِدِينَ.

أَشْهَدُ أَنْ لا إِلَهَ إِلا اللَّهُ وَحْدَهُ, لا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ, وَرَسُولُهُ. اللَّهُمَّ صَلِّ وَاللَّهُ عَلَىٰ اللَّهُ مَّ صَلِّ وَعَلَىٰ آلِهِ وَاللَّهُمَّ صَلِّ وَعَلَىٰ آلِهِ وَاللَّهُمَّ صَلِّ وَعَلَىٰ آلِهِ وَاللَّهُمَّ صَلِّ أَكْمَ عَلَىٰ اللَّهُ عَلَىٰ الللَّهُ عَلَىٰ اللَّهُ اللَّهُ اللَّهُ عَلَىٰ اللَّهُ عَلَىٰ الللَّهُ عَلَىٰ اللَّهُ عَلَىٰ اللَّهُ عَلَىٰ اللَّهُ اللَّهُ عَلَىٰ اللَّهُ عَلَىٰ اللَّهُ اللَّهُ اللَّهُ عَلَىٰ اللَّهُ عَلَىٰ اللَّهُ عَلَىٰ الللّهُ عَلَىٰ اللّهُ اللَّهُ عَلَىٰ اللّهُ اللّهُ اللهُ اللَّهُ عَلَىٰ الللّهُ اللّهُ اللّهُ اللّهُ الللّهُ اللّهُ الللّهُ اللّهُ اللّه



Sidang Jumaat yang dirahmati Allah,

Saya mengingatkan diri saya dan sidang hadirin sekelian, agar sentiasa meningkatkan ketakwaan kita kepada Allah SWT. Takwa itu dapat ditingkatkan dengan melaksanakan segala perintah Allah SWT dan meninggalkan segala laranganNya. Mudah-mudahan kita termasuk dalam golongan yang sentiasa bertakwa kepada Allah SWT.

Sidang Jumaat yang dirahmati Allah,

Setiap orang mempunyai fungsi kepimpinan, jika ia tidak menjadi pemimpin diwilayahnya masing-masing, ia tetap akan menjadi pemimpin kepada tubuh badannya sendiri. Melihat betapa besarnya tanggung jawab menjadi pemimpin, maka syarat-syarat dan sifat-sifat akhlak terpuji untuk menjadi seorang pemimpin haruslah dimiliki dan dikembangkan.

Pada kesempatan ini, khatib ingin berkongsi cerita tentang akhlak pemimpin seperti yang diterjemahkan oleh khalifah pertama Abu Bakar Al-Siddiq *RA*. Beliau telah menyampaikan pidato sulungnya selepas dilantik menjadi khalifah. Pidatonya sepertimana yang dinukilkan oleh Ibnu Hisham dalam kitab Sirah Nabawiyyah adalah seperti berikut:

"Amma ba'du, saudaraku sekalian..., sesungguhnya aku telah terpilih sebagai pimpinan kamu dan aku bukanlah yang terbaik diantara kamu, maka jika aku berbuat kebaikan bantulah aku. Dan jika aku bertindak keliru maka luruskanlah aku. Kejujuran adalah amanah, sementara dusta adalah suatu pengkhianatan. Orang yang lemah di antara kamu, sesungguhnya ia adalah kuat di sisiku hingga aku dapat mengembalikan haknya kepadanya Insya Allah.



Sebaliknya siapa yang kuat di antara kamu, maka dialah yang lemah di sisiku hingga aku akan mengambil darinya hak milik orang lain yang diambilnya. Jika meninggalkan jihad di jalan Allah, nescaya Allah akan timpakan kepada mereka kehinaan, dan tidaklah suatu kekejian tersebar di tengah suatu kaum kecuali azab Allah akan ditimpakan kepada seluruh kaum tersebut.

Patuhilah perintahku selama aku mematuhi Allah dan RasulNya. Tetapi jika aku tidak mematuhi keduanya maka tiada kewajiban taat atas kalian terhadapku. Sekarang berdirilah kalian untuk melaksanakan salat semoga Allah merahmati kalian...".

Dari pidato tersebut, dapat disimpulkan bahawa ada 7 perkara berkaitan akhlak pemimpin yang perlu diserap oleh setiap orang yang akan memegang tampuk pimpinan. Sama ada pemimpin itu memegang jawatan diperingkat masyarakat bawahan, apa lagi sebagai pemimpin negara.

Sidang Jumaat yang dirahmati Allah,

Perkara penting yang ditekankan oleh Khalifah Abu Bakar As Siddiq dalam pidatonya itu ialah ;

1. Sifat Rendah Hati (تواضع)

Banyak para pemimpin yang mulanya dekat dengan rakyat, turun ke bawah, integrasi kepada kaum yang lemah, tapi selepas mendapat kedudukan, timbullah apa yang disebutkan dalam peribahasa "Kalau hari sudah panas, kacang lupa kulitnya". Sifat sombong, bongkak, tinggi diri sudah mulai tampak kelihatan, bukan hanya sekadar itu sahaja,



bahkan terkadang dia tergamak memijak orang yang telah membantu menaikkannya.

Abu Bakar Al-Siddiq *RA*. menyatakan bahawa pada hakikatnya kedudukan pemimpin tidak berbeza daripada rakyat biasa, bukan kerana ia menjadi orang istimewa tetapi hanya sekadar orang yang didahulukan selangkah, diberikan amanah dan mandat kepercayaan dari rakyat.

Di atas bahunya terpikul satu tanggungjawab yang besar dan berat sama ada terhadap umat, terlebih lagi terhadap Allah *Ta'ala*. Sifat rendah hati bukanlah merendahkan kedudukan seseorang pemimpin, malah sebaliknya akan mengangkat darjatnya, martabatnya dalam pandangan masyarakat dan orang ramai.

2. Mengharapkan dokongan dan Bersifat Terbuka untuk Dikritik.

Setiap pemimpin memerlukan dokongan dan sokongan rakyat . Bagaimanapun, ia tidak akan dapat melaksanakan tugas-tugasnya tanpa penglibatan orang ramai. Jika orang ramai bersikap tidak mahu tahu dan tidak ambil peduli terhadap segala anjuran dan tindakannya, maka hal yang demikian merupakan cabaran yang berat.

Oleh sebab itulah, seseorang pemimpin hendaklah bersikap terbuka untuk menerima kritikan, asalkan kritikan itu sihat dan membina. Janganlah pula orang yang memberikan kritikan tersebut dianggap sebagai lawan yang perlu ditutup mulutnya. Bahkan orang yang berani mengungkapkan kritikan dan menunjukkan kesalahan serta kekurangan seseorang pemimpin, itulah sebenarnya rakyat sejati yang sayangkan tanah airnya sendiri.



3. Sifat Jujur dan Memegang Amanah.

Sifat amanah bermakna dapat dipercayai .Memelihara kepercayaan orang ramai adalah salah satu sifat kepeimpinan Islam yang penting. Islam mewajibkan kepada setiap muslim dan muslimah untuk menjaga dan memelihara amanah.

Firman Allah dalam surah An-Nisa' ayat 58 :

"Sesungguhnya Allah menyuruh kamu supaya menyerahkan segala jenis amanah kepada ahlinya (yang berhak menerimanya), dan apabila kamu menjalankan hukum di antara manusia, (Allah menyuruh) kamu menghukum dengan adil. Sesungguhnya Allah dengan (suruhanNya) itu memberi pengajaran yang sebaik-baiknya kepada kamu. Sesungguhnya Allah sentiasa Mendengar, lagi sentiasa Melihat".

Amanah terbahagi kepada tiga.

- 1- amanah terhadap Allah *Ta'ala*.
- 2- amanah terhadap sesama makhluk terutama kepada manusia.
- 3- amanah terhadap diri sendiri.

Memelihara amanah merupakan urat nadi dalam membina hubungan. Apabila amanah itu rosak, maka terurailah segala ikatan dan



putuslah tali temali yang bertujuan baik, susun atur kehidupan akan berantakan, dan pembinaan masyarakat insan akan mengalami kehancuran.

Penyelewengan terhadap suatu amanah bukan sahaja merugikan orang yang terkena penyelewengan tersebut, tetapi juga ia akan menjadi mata rantai yang buruk di dalam kehidupan masyarakat. Maksud memelihara amanah juga adalah menyerahkan sesuatu urusan atau tanggungjawab kepada orang-orang yang mampu dan cekap, serta memenuhi prasyarat.

Hadis daripada Abu Hurairah RA. Bahawa Rasulullah SAW. Bersabda:

"Jika amanah telah disia-siakan, maka tunggulah hari Kiamat." Dia (Abu Hurairah) bertanya: 'Wahai Rasulullah, bagaimanakah menyia-nyiakan amanah itu?' Beliau menjawab: 'Jika satu urusan diserahkan kepada bukan ahlinya, maka tunggulah hari Kiamat!".

(Riwayat al-Bukhari)

Kerana itu, seorang pemimpin harus bersikap jujur. Imam Al-Ghazali membahagikan sifat jujur kepada enam jenis; jujur dalam



perkataan, kemahuan, niat, memenuhi tekad, perbuatan, menegakkan kebenaran serta menjalankan syari'at Islam.

4. Berlaku Adil.

Adil bermakna meletakkan sesuatu pada tempatnya. Lawannya adalah zalim. Islam meletakkan soal menegakkan keadilan dan menjauhi kezaliman sebagai satu sikap yang asas dan penting .

Firman Allah SWT. dalam surah An-Nahl ayat 90:

"Sesungguhnya Allah menyuruh berlaku adil, dan berbuat kebaikan, serta memberi bantuan kepada kaum kerabat; dan melarang daripada melakukan perbuatan-perbuatan yang keji dan mungkar serta kezaliman. Ia mengajar kamu (dengan suruhan dan laranganNya ini), supaya kamu mengambil peringatan mematuhiNya".

Keadilan hendaklah diterapkan dalam segala bidang kehidupan tanpa memandang orangnya, bahkan juga harus berlaku adil terhadap dirinya sendiri. Abu Bakar Ash-Shiddiq menegaskan bahawa orang yang lemah haruslah dibela dan dilindungi. Orang-orang yang kuat tidak boleh berlaku kejam dan sewenang-wenangnya melakukan apa sahaja semahunya.



5. Komitmen dalam Perjuangan.

Seorang pemimpin haruslah bersikap konsisten dalam perjuangan iaitu terus menerus dan lestari ketika berjuang. Jangan hanya seperti 'hangat-hangat tahi ayam', selepas beberapa minit terus mendingin. Pada satu ketika semangat tidak kunjung padam dan tidak kenal menyerah kalah, tapi pada waktu yang lain menjadi lemah dan mudah dijinakkan. Dalam sunnatullah suatu perjuangan menegakkan cita-cita dan kebenaran, pasti akan berjumpa dengan halangan dan tentangan.

Halangan tersebut haruslah diatasi, jangan hanya dielakkan, apa lagi jika mundur dan meninggalkan medan perjuangan. Khalifah Abu Bakar Al-Siddiq RA. dalam pidatonya menegaskan bahawa orang yang meninggalkan medan juang, apalagi kalau sampai berkhianat, maka ia akan ditimpa kehinaan seumur hidupnya.

6. Ditaati dan Bersikap Profesional.

Seorang pemimpin haruslah mengabdikan dirinya kepada misi yang diamanahkan di atas bahunya. Ia harus mempunyai wibawa terhadap umat yang dipimpinnya. Jangan ketika berhadap-hadapan dengan pengikutnya mengangguk-anggukan kepala dan mengatakan "ya", karena takut. Sedang apabila di belakangnya mereka mengatakan "tidak". Seseorang pemimpin harus bersedia dan sanggup berundur apabila ia melakukan penyelewengan dan janganlah terus menerus mempertahankan kedudukannya.

7. Berbakti dan Mengabdikan diri kepada Allah SWT.



Kepemimpinan itu bersifat manusiawi, ia mempunyai kekurangan-kekurangan disamping juga mempunyai kelebihan-kelebihannya. Kata putus yang menentukan tindakannya adalah berdasarkan petunjuk llahi dan garis-garis yang telah ditetapkan.

Sidang Jumaat yang dirahmati Allah,

Pengajaran daripada hari ini adalah :

- Seseorang pemimpin hendaklah sentiasa menghubungkan dirinya kepada Allah, berbakti kepada-Nya, melaksanakan segala sesuatu yang diredhai-Nya dan menjauhi segala hal yang dimurkai-Nya.
- 2. Pemimpin hendaklah mempunyai sikap keseimbangan dan istiqamah dalam setiap situasi dan keadaan.
- 3. Pemimpin hendaklah redha menerima apa yang dapat dicapai, bersyukur apabila mencapai matlamat, dan bersabar menghadapi tentangan demi tentangan.

أَعُوذُ بِٱللَّهِ مِنَ ٱلشَّيَطَنِ ِ ٱلرَّجِيمِ السَّيَطَنِ ِ ٱلرَّجِيمِ النَّادِينَ إِن مَّكَّنَهُمْ فِي ٱلْأَرْضِ أَقَامُواْ الصَّلَوٰةَ وَءَاتَوُا ٱلزَّكُوةَ وَأَمَرُواْ بِٱلْمَعْرُوفِ وَنَهَوْاْ عَنِ ٱلْمُنكرِ وَيَهُواْ عَنِ ٱلْمُنكرِ وَلِلَّهِ عَنِقَبَةُ ٱلْأُمُورِ ﴿



"laitu mereka (umat Islam) yang jika Kami berikan mereka kekuasaan memerintah di bumi nescaya mereka mendirikan sembahyang serta memberi zakat, dan mereka menyuruh berbuat kebaikan serta melarang dari melakukan kejahatan dan perkara yang mungkar. dan (ingatlah) bagi Allah jualah kesudahan segala urusan".

(Surah Al-Hajj: 41)

بَارَكَ اللهُ لِيْ وَلَكُمْ بِالْقُرْآنِ الْعَظِيْمِ, وَنَفَعَنِيْ وَإِيَّاكُمْ بِمَا فِيْهِ مِنَ الْآيَاتِ وَالدِّكْرِ الْحَكِيْمِ وَآيَّاكُمْ بِمَا فِيْهِ مِنَ الْآيَاتِ وَالدِّكْرِ الْحَكِيْمِ وَتَقَبَّلَ مِنِّيْ وَمِنْكُمْ تِلاَّوَتَهُ, إِنَّهُ هُوَ السَّمِيْعُ الْعَلِيْمُ.

أَقُولُ قُولِيْ هَاذَا وَأَسْتَغْفِرُ اللهَ الْعَظِيْمَ لِيْ وَكُمُ وَلَيْ اللهَ الْعَظِيْمَ لِيْ وَلَكُمْ وَلِكُمْ وَلِسَآئِرِ الْمُسْلِمِيْنَ وَالْمُسْلِمَاتِ، فَاسْتَغْفِرُوهُ إِنَّهُ مَهُوَ الْغَفُورُ الرَّحِيْمُ.



KHUTBAH KEDUA



م والأموات الُّنْكُ مَذَ سك ل و صفاتك العُظمَ [الرَّبَّانيَّةِ وَبحِفظِ وقَايَتِكَ الصَّمَدَ الْمُعَظِّم سُلْطَان لهداية عَهْدِ لوكي شُرَف الحاج فِي أَمْنٍ وَصَلاَحٍ وَعَافِيَةٍ بِمَنِّكَ وَكَرَمِكَ يَا



ذَاالْجَلَالِ وَالإِكْرَامِ. اَللَّهُمَّ أَطِلْ عُمْرَهُمَا مُصْلِحَيْنِ لِللَّهُ وَالْجَلَّالِ وَالْإِكْرَامِ. اللَّهُمَّ أَطِلْ عُمْرَهُمَا مُصْلِحَيْنِ لِللَّهُ وَالرَّعِيَّةِ وَالْبِلَادِ، وَبلِغْ مَقَاصِدَهُمَا لِللَّهُ وَالرَّشَادِ. لِطَريق الْهُدَى وَالرَّشَادِ.

فَاذْكُرُواْ الله الْعَظِيمَ يَذْكُرْكُمْ وَاشْكُرُوهُ عَلَىٰ نَعَمِهِ عَلَىٰ الله الْعَظِيمَ وَاسْأَلُوهُ مِنْ فَضْلِهِ يُعْطِكُمْ وَاسْأَلُوهُ مِنْ فَضْلِهِ يُعْطِكُمْ وَلَذِكُرُ الله أَكْبَرُ وَاللَّهُ يَعْلَمُ مَا تَصْنَعُونَ.